


唐詩類苑



唐詩類苑第四十八卷

仁和卓明卿澂父編輯

華亭張之象玄超

長洲毛文蔚豹孫同校

人部

還山

李白春歸終南山松龕舊隱一首

我來南山陽事七不異昔却尋溪中水還望崑下石
薔薇綠東窓女蘿繞北壁別來能幾日草木長數尺
且復命樽酒獨酌陶未夕

李白下途歸石門舊居一首

吳山高越水清握手無言傷別情將欲辭君挂帆去
離魂不散烟郊樹此心鬱悵誰能論有愧叨承國士
恩雲物共傾三月酒歲時同餞五侯門羨君素書常
滿案含丹照白霞色爛余嘗學道窮冥筮夢中往往
遊僊山何當脫屣謝時去壺中別有日月天俛仰人
間易凋朽鍾峯五雲在軒牖惜別愁窺王女窓歸來
咲把洪崖手隱居寺隱居山陶公鍊液棲其間靈神
閑氣昔登攀恬然但覺心緒閑數人不知幾甲子昨
來猶帶水霜顏我離雖則歲物改如今了然識所在

別君莫道不盡歡懸知樂客遙相待石門流水徧桃
花我亦曾到秦人家不知何處得鷄豕就中仍見繁
桑麻翛然遠與世事間裝鸞駕鶴又服遠何必長從
七貴遊勞生徒聚萬金產揖君去長相思雲遊雨散
從此辭欲知悵別心易苦向暮春風揚柳絲

蘇廣文夜歸華山因幕府一首

山村寥落野人稀竹裏衡門掩翠微溪路夜隨明月
入亭臯春伴白雲歸嵇康懶慢仍耽酒范蠡逋逃又
拂衣汀畔數鷗閑不起只應知我也忘机

刘希夷歸山一首

唐詩類苑 卷之四十八 人部
歸去嵩山道烟花覆青草七綠山無塵山青揚柳春
日暮松聲合空歌思殺人

楊師道還山宅一首

暮春還舊嶺徙倚玩年華遙徑無芳草空山正落花
垂藤掃幽石卧柳礙浮槎鳥散茅簷靜雲披澗戶斜
依然此泉路猶是昔烟霞

李白送裴十八圖南歸嵩山二首

何處可爲別長安青綺門胡姬招素手延客醉金樽
臨當上馬時我獨與君言風吹芳蘭折日没鳥鵲喧
舉手指飛鴻此情難具論同歸無早晚潁水有清源

又

思君潁水綠忽復歸嵩岑歸時莫洗耳爲我洗其心
洗心得真情洗耳徒買名謝公終一起相與濟蒼生

李白贈別王山人歸布山一首

王子析道論微言破秋毫還歸布山隱興入天雲高
爾去安可遲瑶草恐衰歇我心亦懷歸屢夢松上月
傲然遂獨往長嘯開宮扉林壑久已蕪石道生薔薇
願言弄笙鶴歲晚來相依

李白鳴臯歌奉餞從翁清歸五厓山居一首

憶昨鳴臯夢裏還手弄素月清潭開覺時枕席非碧

山側身西望阻秦關麒麟閣上春還早著青却憶伊
 陽好青松未風吹古道綠蘿飛花覆煙草我家仙翁
 愛清真才雄草聖凌古人欲卧鳴臯絕世塵鳴臯微
 茫在何處五崖峽水橫樵路身披翠雲裘袖拂紫烟
 去七時應過嵩少閒相思為折三花樹

李白送韓准裴政孔巢父還山一首

獵客張兔豈不能挂龍虎所以青雲人高歌在巖戶
 韓生信英彥裴子含清真孔侯復秀出俱與雲霞親
 峻節凌遠松同衾卧盤石斧冰嗽寒泉三千同一衾
 時時或乘興往往雲無心出山揖牧伯長嘯輕衣簪

昨宵夢裏還云弄竹溪月今辰魯東門悵飲與君別
 雲崖滑去馬蘿逕迷歸人相思若烟草歷亂無冬春

高適賦得還山吟送沈四山人一首

還山吟天高日暮寒山深送君還山識君心人生老
 大須恣意看君解作一生事山間偃仰無不至石泉
 淙淙若風雨桂花松子常滿地賣藥囊中應有錢還
 山服藥又長年白雲勸盡杯中物明月相隨何處眠
 眠時憶問醒時意夢寃可以相周旋

王維送友人歸山歌二首

山寂寂兮無人又蒼蒼兮多木群龍兮滿朝君何為

唐詩類苑 卷之四十八 人部 四
兮空谷文寡和兮思深道難知兮行獨悅石上兮流
泉與松間兮草屋入雲中兮養雞上山頭兮抱犢神
與棗兮如瓜虎賣杏兮收穀愧不才兮妨賢嫌既老
兮貧祿誓解印兮相從何詹尹兮可卜

其二

山中人兮歆歸雲冥七兮雨霏霏水驚波兮翠管靡
白鷺忽兮翻飛君不可兮寒衣山萬重兮一雲混天
地兮不分樹暎暖兮氛氲徠不見兮空聞忽山西兮
夕陽見東臯兮遠村平蕪綠兮千里眇惆悵兮思君

王維送張五歸山一首

送君盡惆悵復送何人歸幾日同携手一朝先拂衣
東山有茅屋幸爲歸荆扉當亦謝官去豈令心事違

杜甫佐還山後寄一首

山晚浮雲合歸時恐路迷澗寒人欲到村黑鳥應栖
野客茅茨小田家樹木低舊諳踈嬾叔須汝故相携

宋鼎酬故人還山一首

舉棹乘春水歸山撫歲華碧潭宵見月紅樹晚開花
蕭穆輕風度依微隱徑斜危亭暗松石幽澗落雲霞
思鳥鳴高樹遊魚戲淺沙安知餘興盡相望紫烟餘

隱逸

岑參林卧一首

偶得魚鳥趣復茲水木涼
遠峯帶雨色落日搖川光
日中西山藥袖裏淮南方
唯愛隱几時獨遊無何鄉

孟浩然澗南即事一首

弊廬在郭外素產惟田園
左右林野曠不聞城市喧
釣竿垂北澗樵唱入南軒
書取幽棲事將尋靜者言

杜甫屏跡三首

衰年耳屏跡幽事供高卧
鳥下竹根行龜開萍葉過
年荒酒價乏日併園蔬課
猶酌耳泉歌歌長擊樽破

又

用拙存吾道幽居近物情
桑麻深雨露燕雀半生成
村鼓時時急漁舟箇箇輕
杖藜從白首心迹喜雙清

又

晚起家何事無營地轉幽
竹光團野色舍影漾江流
失學從兒嬾長貧任婦愁
百年渾得醉一月不梳頭

盧照鄰羈卧山中一首

卧壑迷時代行歌任死生
紅顏意氣盡白璧故交輕
澗戶無人跡山窓聽鳥聲
春色綠岩上寒光入溜平
雪盡松帷暗雲開石路明
夜半飢鼯宿朝隋馴雉行
度溪猶憶處尋洞不知名
紫書常日閱丹藥幾年成

扣鐘鳴天鼓燒香厭地精倘遇浮丘鶴飄飄陵太清
王季友酬李十六岐一首

鍊卅又武火未成賣藥販屨俱逃名出谷迷行洛陽
道乘流醉卧滑臺城城下故人又離怨一歡適我兩
家願朝飲杖懸沽酒錢暮食囊有松花飯干何車馬
日憧憧李膺門館爭祭龍千賓揖對若流水五經發
難如扣鐘下筆新詩行滿壁立談古人坐在席問我
草堂有卧雲知我山儲無儋石自耕自刈食爲天如
鹿如麋飲野泉亦知世上公卿貴且養丘中草木年

元結酬裴雲客一首

自厭久荒浪于時無所任耕釣以爲事米家樊水陰
甚醉或漫歌甚閑亦漫吟不知愚僻意稱得雲客心
雲客方持斧與人正相臨符印隨坐起守位常森森
從能有相招豈暇耒山林

李曰寄丹丘子一首

聞丹丘子于城北營石門幽居中有高鳳遺跡
僕離群遠懷亦有棲遁之志因序舊以寄之
春華滄江月秋色碧海雲離居盈寒暑對此長思君
思君楚水南望君淮山北夢魂雖飛來會面不可得
疇昔在嵩陽同衾卧羲皇綠蘿笑簪紱丹壑賤巖廊

晚途各分析
 乘興任所適
 僕在鴈門關
 君為峨眉客
 心懸萬里外
 影滯兩鄉隔
 長劍復歸來
 相逢洛陽陌
 陌上何喧七
 都令心意煩
 迷津覺路失
 託勢隨風翻
 以茲謝朝列
 長嘯歸故園
 故園恣閒逸
 求古散縹帙
 又欲入名山
 婚娶殊未畢
 人生信多故
 世事豈惟一
 念此憂如焚
 悵然若有失
 聞君卧石門
 宿昔契弥敦
 方從桂樹隱
 不羨桃花源
 高風起遐曠
 幽人跡復存
 松風清瑤瑟
 溪月湛芳樽
 安居偶佳賞
 丹心期此論

李白贈參寥子一首

白鶴飛天書
 南荆訪高士
 五雲在峴山
 果得參寥子

骯髒辭故國
 昂藏入君門
 天子分玉帛
 百官接話言
 毫墨時灑落
 探元有奇作
 著論窮天人
 千春秘麟閣
 長揖不受官
 拂衣歸林巒
 余亦去金馬
 藤蘿同所攀
 相思在何處
 桂樹青雲端

高適遇冲和先生一首

冲和生何代
 或謂遊東溟
 三命謁金殿
 一言拜銀青
 自云多方術
 往七通神靈
 萬乘親問道
 六宮無敢聽
 昔云限霄漢
 今未覩儀形
 頭戴歇烏冠
 手搥白鶴翎
 終日飲醇酒
 不醉復不醒
 猶憶鷄鳴山
 每誦西昇經
 拊背念離別
 依然出戶庭
 莫見今如此
 曾為一客星

王昌齡擊磬老人一首

雙峯褐衣久一磬白眉長誰識野人意徒看春草芳

杜甫與李十二白同尋范十隱居一首

李侯有佳句往往似陰鏗余亦東蒙客憐君如弟兄
醉眠秋共被携手日同行更想幽期處還尋北郭生
入門高興發侍立小童清落景聞寒杵屯雲對古城
向來吟橘頌誰與討尊羨不願論簪笏悠悠滄海情

岑參過緱山下處士黑石谷隱居一首

舊居緱山下偏識緱山雲處士久不還見雲如見君
別來逾十秋兵馬日紛紛青溪開戰場黑谷屯行軍

遂令巢由輩遠逐麋鹿群獨有南澗水潺湲如昔聞

李白贈丹陽橫山周處士惟長一首

周子橫山隱開門臨城隅連峯入戶牖勝槩凌方壺
時枉白紵辭放歌丹陽湖水色傲溟渤川光秀菰蒲
當其得意時心與天壤俱閑雲隨舒卷安識身有無
抱石耻獻玉沉泉笑探珠羽化如可作相携上清都

李白贈張公洲革處士一首

列子居鄭圃不將衆庶分革侯遁南浦常恐楚人聞
抱甕灌秋蔬心閑遊天雲每將瓜田叟耕種漢水濱
時登張公洲入獸不乱群井無桔槔事門絕刺繡文

長揖二千石遠辭百里君斯為真隱者吾黨慕清芬

李白贈閻丘處士一首

賢人有素業乃在沙塘陂竹影掃秋月荷衣落古池
閒讀山海經散帙卧遙帷且耽田家樂遂曠林中期
野酌勸芳酒園蔬烹露葵如能樹桃李為我結茅茨

高適贈別晉三處士一首

有人家住清河源渡河問我遊梁園手持道經註已
畢心知內篇口不言盧門千年見秋草此心惆悵誰
能道知己從來不易知慕君為人與君好別情九月
桑葉疎出門千里無行車愛君且欲君先達今上求

賢早止書

楊炯送楊處士及初卜居曲江一首

鴈門歸去遠垂老脫袈裟蕭寺休為客曹溪便寄家
綠琪千歲樹黃樅四時花別怨應無限門前桂水斜

李頎寄鏡湖朱處士一首

澄霽晚流瀾微風吹綠蘋鱗鱗遠峯見淡淡平湖春
芳草日堪把白雲心所親何時可為樂夢裏東山人

李白番別龔處士一首

龔子棲閒地都無人世喧柳深陶令宅竹暗辟疆園
我去黃牛峽遙愁日帝猿贈君卷菰草心斷竟何言

宋之問荅田徵君一首

出遊杳何處逢回伊落間歸寢終成夢宛在嵩丘山

李白贈盧徵君昆弟一首

明王訪賢逸雲泉今已空二盧竟不起萬乘高其風
河上喜相得壺中趣每同滄洲即此地觀化遊無窮
水落海上清鼇背觀方蓬與君弄倒景携手凌星虹

李白口號贈徵君鴻一首

陶令辭彭澤梁鴻入會稽我尋高士傳君與古人齊
雲卧番丹壑天書降紫泥不知揚伯起早晚向關西

李白贈錢徵君少陽一首

白玉一杯酒綠楊三月時春風餘幾日兩鬢各成絲
秉燭唯酒飲投竿也未遲如逢渭水獵猶可帝王師

高適贈別沈四逸人一首

沈侯未可測其况信浮沉十載常獨坐幾人知此心
乘舟蹈滄海買劍投黃金世務不足煩有田西山岑
我來遇知己遂得開清襟何意闔闔開沛然江海深
疾風掃秋樹濮上多鳴砧耿耿尊酒前聯馬飛愁音
平生重離別感激對孤琴

李頎送盧逸人一首

洛陽此為別携手更何時不復人間見祇應海上期

清溪入雲木白自卧茅茨共惜盧敖去大邊望所思
杜甫玄都壇歌寄元逸人一首

故人昔隱東蒙峯已佩含景蒼精龍故人今告子午
谷獨在陰崖結茅屋七前太古玄都壇青石漠漠常
風寒子規夜啼山竹裂王母晝下雲旗翻知若此計
誠長往芝草琅玕日應長鐵鑠高垂不可攀致身福
地何蕭爽

高適宋中遇林慮楊十七山人因而有別一

首
昔余涉漳水驅車行鄴西遙見林慮山蒼々夏天倪

邂逅逢爾曹說君彼巖梅蘿徑垂野蔓石房倚雲梯
秋韭何青青藥苗數百畦栗林隘谷口栝樹森迴溪
耕耘有山田紡績有山妻人生苟如此何必組與珪
誰謂遠相訪囊情殊不迷簷前舉醇醪竈下烹隻鷄
朔風忽振蕩昨夜寒蜚啼遊子益思歸罷琴傷解携
出門煮原野白日黯已低始驚道路難終念言咲咲
因聲謝岑壑歲暮一攀躋

蘇廣文春日過田明府遇焦山人一首

陶公歸隱白雲溪買得春泉漑藥畦夜靜林間風虎
嘯月明竹上露禽棲陳倉邑吏驚烽火太白山人訝

唐詩卷之四十八 人部 十一 鼓鼙相見只言秦漢事武陵溪裏草萋萋

高適別楊山人一首

不到嵩陽動十年舊時心事已徒然一二故人不復見三十六峯猶眼前夷門二月柳條色流鶯數聲淚沾臆繫井耕田不我招知君以此忘帝力山人好去嵩陽路惟余眷眷長相憶

高適贈別褚山人一首

携手贈將行山人道姓名光陰薊子訓才術褚先生墻上梨花白罇中桂酒清洛陽無二價猶是慕風聲

李白送蔡山人一首

我本不棄世世人自棄我一乘無倪舟八極縱遠拖燕客期躍馬唐牛安敢譏採珠勿驚龍大道可暗歸故山有松月遲爾翫清暉

高適送蔡山人一首

東山布衣明古今自言獨未逢知音識者閱見一生事到處豁然千里心看書學劍嘗辛苦近日方知謁明主斗酒相留醉復醒悲歌數年淚如雨丈夫遭遇不可知買臣主父皆如斯我今蹭蹬無所似看爾崩騰何若爲

高適送郭處士往萊蕪兼寄荀山人一首

唐詩類苑 卷之四十一 人部 十三 相識歸見萊蕪九十翁為論別後長相思憶
君為東蒙客往來東蒙畔雲卧臨嶧陽山行窮日觀
少年詞賦皆可聽秀眉白面風清冷身上未曾染名
利口中獨未知羶腥今日還山意無極豈辭世路多

李白寄弄月溪吳山人一首

嘗聞龐德公家住洞湖水終身栖鹿門不入襄陽市
夫君弄明月滅景清淮裏高蹤覲難追可與古人比
青揚杳莫覩白雲空望美待號辭人間携手訪松子

岑參寄西嶽山人李岡一首

君隱處當一星蓮花峯頭飯黃精仙人掌上演丹經

鳥可到人莫攀隱來十年不下山袖中短書誰為達
華陰道士賣藥還

儲光羲寄孫山人一首

新林二月孤舟還水滿清江花滿山借問故園隱若
子時七來斜向人間

李白山人勸酒一首

蒼蒼雲松落七綺皓春風爾來為阿誰蝴蝶忽然滿
芳草秀眉霜雪顏桃花骨青髓綠長美好稱是秦時
避世人勸酒相勸不知老各守麋鹿志耻隨龍虎爭
歛起佐太子漢皇乃復驚顧謂戚夫人彼翁羽翼成

歸來商山下泛若雲無情舉觴酌巢由洗耳何獨清
浩歌望嵩嶽意氣還相傾

杜甫幽人一首

孤雲亦群遊神物有所歸麟鳳在赤霄何常一來儀
往與惠詢輩中年滄洲期天高無消息棄我忽若遺
內俱非道流困人在瑕疵洪濤隱語笑鼓枻蓬萊池
崔嵬扶桑日照曜珊瑚枝風帆倚翠蓋暮把東皇衣
嚙嗽元和津所思煙霞微知名未足稱局促商山芝
五湖復浩蕩歲暮有餘悲

杜甫貼阮隱君一首

陳晉風俗衰人物世不數寒上得阮生迥繼先父祖
貧知靜者性自益毛髮古車馬入鄰家蓬蒿翳環堵
清詩近道要識字用心苦尋我草徑微寒裳踏寒雨
更議居遠村避喧耳猛虎足明箕穎客榮貴如糞土

常建空靈山應田叟一首

湖南無村客山舍多黃茱淳朴如太古其人居鳥巢
牧童唱巴歌野老亦獻嘲泊舟問溪口言語皆啞咬
土俗不尚農豈暇論肥瘠莫徕射禽獸浮客烹魚鮫
余亦罟罟人護麋今尚苞敬君中國未願以充其庖
日入聞虎聞空山浦哮哮懷人雖共安異域終難交

唐詩類苑 卷之四十八 人部 十五

白水可洗心採薇可為穀拽策背落日江風鳴梢上

盧照鄰酬楊北部員外暮宿琴堂朝躋書閣

率爾見贈一首

閑拂簷塵看鳴琴候月彈桃源迷漢姓松徑有秦官

空合歸人少青山背日寒羨君栖隱處遙望在雲端

李白贈孟浩然一首

吾愛孟夫子風流天下聞紅顏棄軒冕白首卧松雲

醉月頻中聖迷花不事君高山安可仰徒此揖清芬

閑適

高適閑居一首

柳色驚心事春風厭索居方知一杯酒猶勝百家書

常建閑居一首

青苔常滿路流水復入林遠與市朝隔日聞鷄犬深

寥寥溪中想渺渺湖上心嘯傲轉無欲不知成陸沉

王維輞川閑居一首

一從歸白社不復到青門時倚簷前樹遠看原上村

青菰臨水映白鳥向山翻寂寞於陵子桔槔方灌園

王維輞川閑居贈裴秀才迪一首

寒山轉蒼翠秋水日潺湲倚杖柴門外臨風聽暮蟬

渡頭餘落日墟里上孤烟復值接輿醉狂歌五柳前

唐詩類苑 卷之四十八 人部 十五

王羨門都中閒居一首

君王巡海內北闕下明臺雲物天中少烟花歲後來
河從御苑出山向北門開寂寞東京裏空留賈誼才

王昌齡灞上閒居一首

鴻都有歸客偃卧滋陽村軒冕無枉願清川照我門
空林網夕陽寒鳥赴荒園廓落時得意懷哉莫與言
庭前有孤鶴欲啄常翻翻為我啣素書弔彼顏與原
二君既不朽所以慰其冤

蘇頲山中閑卧即事一首

息燕歸簷靜飛花落院閑不愁愁自若難道憶鄉閑

蘇頲閑園即事寄贈常侍御一首

結廬東城下直望江南山青靄遠相接白雲來復還
拂筵紅薜上開幔綠條間物應春偏好情忘趣轉閒
憲臣饒美政聯事惜徂顏有酒空盈酌高車不可攀

張九齡南山舊居閑放一首

祗役已云久乘閒反服初塊然屏人事幽獨坐林間
清曠前山遠紛喧此地踈喬木凌青靄脩篁媚綠渠
耳和繡翼鳥目暢錦鱗魚寂寞心還閉飄飄體自虛
興來命旨酒臨罷閱仙書但樂多幽意寧知有毀譽
尚想爭名者誰云要路居都忘下流歎傾奪竟何如

杜甫西閣曝日一首

凜冽倦玄冬負暄嗜飛閣羲和流德澤顙頊愧倚薄
毛髮具日和肌膚潛沃若太陽信深仁衰氣歛有託
歌傾煩注眼容易收病脚流離木杪猿翩躩山顛鶴
朋知苦聚散哀樂日已作即事會賦詩人生忽如昨
古來遭喪亂賢聖盡蕭索胡為將暮年憂世心力弱

李頎野老曝背一首

百歲老翁不種田惟知曝背樂殘年有時捫虱獨搔
首目送歸鴻籬下眠

張九齡與生公尋幽居處一首

同方又厭俗相與事遐討及此雲山去窅然巖徑好
疑入武陵源如逢漢陰老清諧欣有得幽閑歛盈抱
我本土堦侍偶訪金仙道茲焉求卜築所過皆神造
歲晚林始敷日晏崖方杲不種綠嶺竹豈植臨潭草
卽途可淹留隨日成黼藻則為靜者說曾是終焉保
今為藺書畏祗令歸思浩

張九齡偶詣林下一首

方駕與吾友同懷不異尋偶逢池竹處便會江湖心
夏近林方密春餘水更深清華兩輝映閑步亦窺臨
蘋藻復佳色鳧鷖亦好音韶芳媚洲渚蕙氣襲衣襟

蕭散皆為柴徘徊徒所欽謂予成夙志歲晚共抽簪

張九齡郡舍南有園畦雜樹聊以永日一首

為郡久無補越鄉空復深苟能秉素節安用叨華簪
却步園畦裏追吾野逸心形骸拘俗吏光景賴閒林
內訟誠知止外言猶匪忱成蹊謝李逕衛足感葵陰
榮達豈不偉孤生非所任江城何寂歷秋樹亦蕭森
下有北流水上有南飛禽我願從歸翼無然坐自沉

蕭穎士山中月夜作一首

獻書嗟棄置疲拙歸田園且事計然策將符公治言
桑榆清暮景鷄犬應遙村蚕罷里閭晏麥秋田野喧

澗聲連枕席峯勢入堦軒未奏東山妓先傾北海樽
隴瓜香已熟庭果落初繁更憫野人意農談朝竟昏

李白春日獨酌二首

東風扇淑氣水木榮春暉白日照綠草落花散且飛
孤雲還空山衆鳥各已歸彼物各有託吾生獨無依
對此石上月長醉歌芳菲

我有紫霞想緬懷滄洲間思對一壺酒淡然萬事閒
橫琴倚高松把酒望遠山長空去鳥沒落日孤雲還
但悲光景晚宿昔成秋顏

王昌齡獨遊一首

唐詩類苑 卷之四十八 人部 十九
林卧情每閑獨遊景常晏時從灞陵下隨釣往南澗
手携雙鯉魚日送千里鴈悟彼非有適知此罹憂患
放之清泠泉因得省踈慢永懷青岑客迴首白雲間
超然無遺事豈繫名與宦

李白獨坐敬亭山一首

衆鳥高飛盡孤雲獨去閒相看兩不厭只有敬亭山

王績獨坐一首

問君尊酒外獨坐更何須有客談名理無人索地租
三男婚令族五女嫁賢夫百年隨分了未羨陟方壺

杜甫江畔獨步尋花七首

江上被花惱不徹無處告訴只顛狂走覓南郊愛酒
伴經旬出飲獨空床

其二

稠花亂蕊裹江濱行步歌危實怕春詩酒尚堪驅使
在未湏料理白頭人

其三

江深竹靜兩三家多是紅花映白花報荅春光知有
處應湏美酒送生涯

其四

東望少城花滿烟百花樓高更可憐誰能載酒開金

盞喚取佳人舞繡筵

其五

黃師塔前江水東春光嬾困倚微風
桃花一簇開無主可愛深紅映淺紅

其六

黃四娘家花滿溪千朵萬朵壓枝低
留連戲蝶時時舞自在嬌鶯恰恰啼

其七

不是愛花即欲死只恐花盡老相催
繁枝容易紛紛落嫩葉商量細細開

杜甫徐步一首

整屨步青蕪荒庭日欲晡
片泥隨燕嘴花蕊上蜂鬚
把酒從衣濕吟詩信杖扶
敢論才見忌實有醉如愚

杜甫長吟一首

江渚翻鷗戲官橋帶柳陰
花飛競渡日草見踏青心
已撥形骸累直爲爛熳深
賦詩歌句穩不免自長吟

李白自遣一首

對酒不覺暝落花盈我衣
醉起步溪月鳥還人亦稀

杜甫水檻遣興二首

去郭軒楹敞無村眺望餘
澄江平少岸幽樹晚多花

唐詩類苑 卷之四十八 十一
細雨魚兒出微風燕子斜城中十萬戶此地兩三家

又

蜀天常夜雨江檻已朝晴葉潤林塘密衣乾枕席清
不堪祇老病何得尚浮名淺把涓涓酒深憑送此生

杜甫遣意二首

轉枝黃鳥近泛渚白鷗輕一徑野花落孤村春水生
衰年催釀黍細雨更移橙漸喜交遊絕幽居不用名

又

簷影微上落津流脉脉斜野船明細火宿鴈聚圓沙
雲掩初弦月香傳小樹花鄰人有美酒稚子夜能賒

杜甫絕句九首

日出籬東水雲生舍北泥竹高鳴翡翠沙僻舞鷓鴣

其二

藹藹花葉亂飛上蜂蝶多幽棲身懶動客至欲如何

其三

急雨梢溪足斜暉轉樹腰隔巢黃鳥並翻藻白魚跳

其四

鑿井交椽葉開渠斷竹根扁舟輕裊纜小徑曲通村

其五

舍下筍穿壁庭中藤刺簷地晴絲冉冉江白草纖纖

其六

江動月移石溪虛雲傍花鳥棲知故道帆過宿誰家

其七

聞道巴山裏春舡正好行都將百年興一望九江城

其八

水檻溫江口茅堂石筍西移舡先主廟洗藥浣花溪

其九

謾道春來好狂風大放顛吹花隨水去翻却釣魚舡

杜甫絕句七首

堂西長筍別開門塹北行椒却背村梅熟許同朱老

喫松島擬對阮生論

其二

欲作漁梁雲覆湍因驚四月雨聲寒青溪先有蛟龍窟竹石如山不敢安

其三

兩箇黃鸝鳴翠柳一行白鷺上青天牕含西嶺千秋雪門泊東吳萬里舡

其四

藥條藥甲潤青青色過棕亭入草亭苗滿空山慚取譽根居隙地怯成形

唐詩類苑 卷之四十八 人部 十三

其五

楸樹馨香倚釣磯
斬新花蓋未應飛
不知醉裏風吹盡
可忍醒時雨打稀

其六

門外鷓鴣久不來
沙頭忽見眼相猜
自今以後知人意
一日須來一百迴

其七

無數春筍滿林生
柴門密掩斷人行
會須上番看成竹
客至從嗔不出迎

唐詩類苑第四十八卷終

唐詩類苑第四十九卷

仁和卓明卿澂父編輯

華亭張之象玄超

長洲毛文蔚豹孫同校

人部

簡寄

李頎東京寄萬楚一首

澗落久無川
隱身耳採薇
仍聞薄宦者
還事田家衣
潁水日夜流
故人相見稀
春山不可望
黃鳥東南飛
濯足豈長往
一罇聊可依
了然潭上月
適我胃中机

唐詩類苑 卷之四十八 人部 十三 李頎東京寄萬楚一首

詩類苑 卷之四 六八部
在昔同門友如今出處非優游白虎殿偃息青瑣闈
且有薦君表當看攜手歸寄書不代面蘭茝空芳菲

李頎寄萬齊融一首

名高不擇仕委世隨虛舟小邑常歎屈故鄉行可遊
青楓半村塢香稻盈田疇爲政日清淨何人同海鷗
搖巾北林夕把菊東山秋對兩池雲滿向家湖水流
岸陰止鳴鵠山色映潛虬靡靡俗中理蕭蕭川上幽
昔年至吳郡嘗隱臨江樓我有一書札因之芳杜洲
李白江上寄元六林宗一首

霜落江始寒楓葉綠未脫客行悲清秋永路苦不達

滄波眇川汜白日隱天末停棹依林巒驚猿相叫聒
夜分河漢轉起視溟漲濶涼風何蕭七流水鳴活七
浦沙淨如洗海月明可掇蘭交空懷思瓊樹詎解渴
勗哉滄洲心歲晚庶不奪幽賞頗自得興遠誰與諮

劉脊虛寄閩防一首

青冥南山口君與緇錫隣深路入古寺亂花隨暮春
紛七對寂寞往七落衣巾松色照空水經聲時有人
晚心復南望山遠情獨親應以修往業亦惟立此身
深林度空夜烟月資清真莫嘆文明日弥年徒隱淪

王季友寄帝子春一首

出山秋雲曙山水只再春食我山中藥不憶山中人
山中惟余密白髮誰相親雀鼠晝夜無知我厨厚貧
依七北舍松不厭吾南隣有情盡棄捐土石爲同身

沈如筠寄張徵君一首

寂歷遠山意微冥半空碧綠蘿無冬春彩烟竟朝夕
張子海內寄耐爲岩中客聖君勞夢想安得老松石

獨孤及海上寄蕭五一首

朔水剪寒草寒露日始結客行屆瀛壖歸思坐莫節
驛樓見萬里延首望遼碣遠海入大荒平蕪際窮髮
舊國在夢想故人且胡越契濶阻風期荏苒成兩別

海西望京口兩地各天末目窮南雲盡唯見飛鳥滅
青塵未易得何以慰飢渴

李季蘭寄朱放一首

望水試登山山高湖又濶相思無曉夕相望經年月
鬱鬱山木榮綿綿野花發別後無限情相逢一時說

任華雜言寄李白一首

古來文章有能奔逸氣聳高格清人心神驚人竄鬼
我聞當今有李白大獵賦鴻猷文嗤長卿笑子雲班
張所作瑣細不入耳未知卿雲得仕嗤笑限登廬山
觀瀑布海風吹不斷江月照還明余愛此兩句登天

台望白海雲垂天鵬飛山壓巨鰲背斯言亦好至于
他作多不拘常律振擺超騰既俊且逸或醉中操紙
或興來走筆手下忽然片雲飛眼前劃見孤峯出而
我有時白日忽欲睡睡忽然起攘臂任生知有君君
也知有任生未中間開道在長安及余戾止君已江
東訪元丹邂逅不得見君面每常把酒背東望良久
見說往年在翰林曾中矛戟何森森新詩傳在宮人
口佳句不離明主心身騎天馬多意氣目送飛鴻對
豪貴承恩召入凡幾迴待詔歸來仍半醉權臣妬盛
名羣犬多吠聲有勅放君歸隱淪高歌大笑入關去

且向東山爲外臣諸侯交迓馳朱輪白壁一雙買交
者黃金百鎰相知人平生傲岸其志不可測數十年
爲客未嘗一日低顏色八詠樓中坦腹眠五侯門下
無心憶繁花越臺上細柳吳宮側綠水青山知有君
白雲明月偏相識養高簷捲開可望不可攀莊周萬
物外范蠡五湖間又聞訪道滄海上丁令王喬時還
往蓬萊經是曾到來方丈豈惟方一丈伊余每欲乘
興遠尋江湖擁隔勞寸心今朝忽遇東飛翼寄此一
章表曾臆儻能報我一片言但訪任華有人識

任華雜言寄杜甫一首

杜拾遺名甫第二才甚奇任生與君別來已多時何
嘗一日不相思杜拾遺知不知昨日有人誦得數篇
黃絹詞吾性異奇特借問果無稱是杜二之所爲勢
攫虎豹氣騰蛟螭滄海無風似鼓蕩華嶽平地欲奔
馳曹劉俯仰慚大敵沈謝逡巡稱小兒昔在帝城中
盛名稱一箇諸人見所作無不心膽破郎官叢裏作
狂歌丞相閣中常醉卧前年皇帝歸長安承雲濶步
青雲端積翠臺遊花匝披香寓直月團圓英才特
達承天睠公卿無不相欽羨只緣汲黯好直言遂使
安仁却爲掾如今避地綿城隅幕府英寮每日相就

提玉壺半醉起舞捋髭鬚乍低乍昂傍若無古人制
禮但爲防俗士豈得爲君設之乎而我不飛不鳴亦
何以只待朝廷有知己已曾讀却無限書拙詩一句
兩句在人耳如今看之總無益又不能崎嶇倚朝市
且當事耕稼豈得便徒爾南陽葛亮爲朋友東山謝
安作鄰里閑常把琴弄悶即携樽起鶯啼二月三月
時花發千山萬山裏此中幽曠無人知火急將書憑
驛使爲報杜拾遺

岑參寄韓樽一首

夫子素多疾別來未得書北庭苦寒地體內冷何如

王維寄河上段十六一首

與君相見即相親
聞道君家在孟津
為見行舟試借問
客中時有洛陽人

崔顥寄盧象一首

客從巴南度
傳爾泝行舟
是日風波霽
高唐兩半收
青山滿蜀道
綠水向荊州
不作書相問
誰能慰別愁

李白沙丘城下寄杜甫一首

我來竟何事
高卧沙丘城
城邊有古樹
日夕連秋聲
魯酒不可醉
齊歌空復情
思君若汶水
浩蕩寄南征

杜甫寄高適一首

楚隔乾坤遠
誰招病客魂
詩名唯我共
世事與誰論
北闕更新主
南星落故園
定知相見日
爛熳倒芳樽

杜甫寄賀蘭鈺一首

朝野歡娛後
乾坤震蕩中
相隨萬里日
總作白頭翁
歲晚仍分袂
江邊更轉蓬
勿云俱異域
飲啄幾時同

杜甫登西安寺鐘樓寄裴十迪一首

暮倚高樓對雪峯
僧來不語自鳴鐘
孤城返照紅將歛
近市浮烟翠且重
多病獨愁常聞寂
故人相見未從容
知君苦思綠詩瘦
太向交遊萬事慵

駱賓王叙寄員半千一首

唐詩卷之四十九
薄宦三河道自負十餘年不應驚若厲祇爲直如弦
坐歷山川險吁嗟陵谷遷長吟空抱膝短翮詎冲天
魂歸滄海上望斷白雲前釣名勞拾紫隱迹自談玄
不學多能聖徒思鴻寶仙斯志良難已此道豈徒然
嗟爲刀筆吏耻從繩墨牽岐路情維狹人倫地本偏
長揖謝時事獨往訪林泉寄言二三子生死不來旋

張說寄許八一首

萬類春皆樂徂顏獨不怡年來人更老花發意先衰
乳雀穿壇畫巢峰觸網絲平生美容色宿昔影中疑
遠道何由夢同心在者誰西風欲寄語惘然遂無詞

高適寄孟五一首

秋風落窮巷離憂兼暮蟬後時已如此高興亦徒然
知君念淹泊憶我屢周旋征路見來鴈歸人悲遠天
平生感千里相望在貞賢

杜甫寄李十二白一首

昔年有狂客號爾謫仙人筆落驚風雨詩成泣鬼神
聲名從此大汨沒一朝伸文彩承殊渥流傳必絕倫
龍舟移棹晚獸錦奪袍新白日来深殿青雲滿後塵
乞歸優詔許遇我宿心親未負幽棲志兼全寵辱身
劇談憐野逸嗜酒見天真醉舞梁園夜行歌泗水春

唐詩卷之四十八
才尚心不展道屈善無隣處士禰衡俊諸生原憲貧
稻梁求未足蕙苴謗何頻五嶺炎蒸地三危放逐臣
幾年遭鵬鳥獨泣向麒麟蘇武先還漢黃公豈事秦
楚筵辭醴日梁獄上書辰已用當時法誰將此義陳
老吟秋月下病起卧江濱莫恠恩波隔乘槎與問津
元結寄源休一首

天下未偃兵儒生預戎事功勞安可問且有忝宮累
昔常以荒浪不敢學爲吏况當在兵家言之豈容易
忽然向三歲境外爲偏帥時俗尚矯詐進退多欺貳
縱有一直方則止以姦智誰爲明信者能辨此勞畏

王昌齡西江寄越弟一首

南浦逢君嶺外還沅溪更遠洞庭山堯時恩澤如春
雨夢裡相逢同入關

杜甫寄杜位一首

寒日經簷短窮猿失木悲峽中爲客恨江上憶君時
天地身何往風塵病敢辭封書兩行淚露酒衰初詩
杜甫寄杜位一首

近聞寬法離新州想見歸懷尚百憂逐客雖皆萬里
去悲君已見十年流干戈况復塵隨眼髮髮還應雪
滿頭玉壘題書心緒亂何時更得曲江遊

李白江行寄遠一首

剡木出吳楚危檣百餘尺疾風吹片帆日暮千里隔
別時酒猶在已爲異鄉客思君不可得愁見江水碧
岑參至大梁却寄匡城主人一首

一從華魚釣十載干明王無由謾天階却欲歸滄浪
仲秋至東郡遂見天雨霜昨夜夢故山蕙早色已黃
平明辭鐵丘薄暮遊大梁仲秋蕭條景拔刺飛鵝鷓
四郊陰氣閉萬里無晶光長風吹白茅野火燒枯桑
故人南燕吏籍籍名更香聊以玉壺贈置之君子堂
李白江上寄巴東故人一首

漢水波浪遠巫山雲雨飛東風吹客夢西落此中時
覺後思白帝佳人與我遠瞿塘饒賈客音信莫令稀

王維奉寄常太守陟一首

荒城自蕭索萬里山河空天高秋日迥嘹唳聞歸鴻
寒塘映衰草高館落疎桐臨此歲方晏願景詠悲翁
故人不可見寂寞平林東

杜甫奉寄高三十五使君一首

當代論才子如公復幾人騅駟開道路鷹隼出風塵
行色秋將晚交情老更親天涯喜相見披豁對吾真
杜甫宋彭州高三十五使君適虢州岑二十

唐書卷之四十九人音 九 崑崙周本

七長史參一首

故人何寂寞今我獨淒涼老去才難盡秋來興甚長
物情本可見詞客未能忘海內知名士雲端各異方
高岑殊緩步沈鮑得同行意愜閑飛動篇終接混茫
舉天悲富駱近代惜盧王似爾官仍貴前賢命可傷
諸侯非葉擲牛刺已翱翔詩好幾特見書成無使將
男兒行處是客子聞身強羈旅推賢聖沉緝抵咎殃
三年猶滯瘧一鬼不消亡隔日搜脂髓增寒抱雪霜
徒然潛隙地有回屢鮮粧何大龍鐘極于今出處妨
無錢居帝里盡室在邊疆劉表雖遺恨龐公至死藏

心微傍魚鳥肉瘦怯豺狼隴草蕭蕭白洮雲片片黃
彭門劔閣外號畧鼎湖傍荆王簪頭冷巴箋染翰光
鳥麻蒸續晒丹橘露應嘗豈異神仙宅俱兼山水鄉
竹齋燒藥竈花嶼讀書床更得清新否遙知對屬忙
舊官寧改漢淳俗本歸唐濟世宣公等安貧亦士常
蚩尤終戮辱胡羯漫倡狂會待秋氛靜論文暫裹糧
祖詠寄王長史一首

杜甫寄楊長史一首

汝穎俱宿好往來託層巒終日何寂寞繞籥生蕙蘭
廣州段功曹到得楊五長史書功曹却歸聊寄

此詩

衛青開幕府楊僕將樓船漢節梅花外春城海水邊
銅梁書遠及珠浦使將旋貧病它鄉老煩君萬里傳

李白遊水西簡鄭明府一首

天宮水西寺雲綿照東郭清湍鳴迴溪綠水繞飛閣
涼風日瀟洒幽客時懃泊五月思貂裘謂言秋霜落
石蘿引古蔓岸筍開新穉吟翫空復情相思爾佳作
鄭公詩人秀逸韻宏寥廓何當一來遊愜我雪山諾

杜甫寄狄明府一首

梁公會孫我姨弟不見十年官濟濟大賢之後竟陵

遲浩蕩今古同一體比看伯叔四十人有才無命百
僚底今者兄弟一百人幾人卓絕秉周禮在汝更用
文章為長兄白眉復天啓汝門請從曾公說大后當
朝多巧計狄公執政在末年濁河中不污清濟國嗣
初將付諸武公獨廷諍守丹陛禁中冊決詔房陵前
朝長老皆流涕太宗社稷一朝正漢官威儀重昭洗
時危始識不世才誰謂茶苦耳如薺汝曹又宜裂王
食身使門戶多旌榮胡為飄泊岷漢間干謁王侯頗
歷詆况乃山高水有波秋風蕭蕭露泥泥虎之飢下
嶮巖蛟之橫出清泚早歸來黃汚人衣服易眯

杜甫重寄王明府一首

甲子西南異冬來只薄寒江雲何夜靜蜀雨幾時乾
行李須相問窮愁豈有寬君聽鴻鴈嚮恐致稻梁難
李白寄當塗趙少府炎一首

晚登高樓望木落雙江清寒山饒積翠秀色連州城
目送楚雲盡心悲胡鴈聲相思不相見回首故人情

孟浩然江上寄崔少府一首

春堤楊柳發憶與故人期草木本無意榮枯自有時
山陰定遠近江上日相思不及蘭亭事空吟祓禊詩

杜用官亭夕坐戲簡顏十少府一首

南國調寒杵西江浸日車客愁連蟋蟀亭古帶蒹葭
不返青絲鞵虎燒夜烛花老翁須地上細細酌流霞

杜甫戲寄崔評事表姪蘇五表弟常大少府

諸姪一首

隱豹深愁雨潛龍故起雲泥多仍徑曲心醉阻賢群
恐待江山麗還披鮑謝文高樓憶踈豁秋興坐氤氳

杜甫赴青城縣出城都寄陶王二少尹一首

老被樊籠役貧嗟出入勞客情投異縣詩態憶吾曹
東郭滄江合西山白雪高文章差底病回首興滔滔
岑參潼關鎮國軍句覆使院早春寄王同州

一首

胡寇尚未盡大軍鎮關門旌旗遍草木兵馬如雲屯
聖朝正用武諸將皆承恩不見往戰功但聞歌吹喧
儒生有長策閉口不敢言昨從關東來思與故人論
何為廊廟器至今居外蕃黃霸寧淹留蒼生望騰鶩
捲簾見西岳仙掌明朝暎昨夜聞春風載勝過後園
各自限官守何由叙涼溫離憂不可忘襟背思對萱

杜甫寄裴旻州一首

廊廟之器裴旻州宿昔一逢無此流金鍾大鑪在東
序冰壺王衡懸清秋自從相遇減多病三歲為客寬

邊愁堯有四岳明至理漢二千石真分憂幾度寄青
白鹽北苦寒贈我青羔裘霜雪迴光避錦袖蛟龍動
篋蟠銀鈎紫衣使者辭復命再拜故人謝佳政將老
已失子孫憂後來况接才華盛

杜甫因崔五侍御寄高彭州適一首

百年已過半秋至轉飢寒為問彭城牧何時救急難

杜甫寄楊五桂州一首

五嶺皆炎熱宜人独桂林梅花萬里外雪片一冬深
聞此寬相憶為邦復好音江邊送孫楚遠付白頭吟

張九齡當塗界寄裴宣州一首

故人宣城守亦在江南偏如何分虎竹相與間山川
章綬何爲者形骸非自然含情津渡瀾倚望脰空延
遠近聞佳政平生仰大賢推心徒有屬會面良無緣
日夕遵前渚江村投暮烟念行祇意默懷遠豈言官
委曲風波事難爲尺素傳

裴耀卿和張九齡當塗界見寄一首

茂先實王佐仲舉信時英氣覩衝天發人將下榻迎
梓符肅有命江國遠徂征九派期方越千鈞或可輕
高帆出風迥孤嶼入雲平遙邁嗟于役離憂空自情
飭琴陪早歲接壤則專城曠別心彌軫宏規義轉傾

徒然限飢渴况乃諷瑤瓊

杜甫寄岑嘉州一首

不見故人十年餘不道故人無素書願逢顏色閉塞
遠豈意出守江城居外江三峽且相接斗酒新詩終
日踈謝朓每篇看諷誦馮唐已老聽吹噓泊舡秋夜
經春莫伏枕青楓限王除眼前所寄選何物贈子雲
安雙鯉魚

李白寄王漢陽一首

南湖秋月白王宰夜相邀錦帳即官醉羅衣舞女嬌
笛聲誼汚鄂歌曲上雲霄別後空愁我相思一水遙

李白江夏寄漢陽輔錄事一首

誰道此水廣狹如一匹練江夏黃鶴樓青山漢陽縣
大語猶可聞故人誰可見君草陳琳檄我書魯連箭
報國有壯心龍顏不圓春西飛精衛鳥東海何由填
鼓角徒悲鳴樓舡習征戰抽劍步霜月夜行空庭偏
長呼結浮雲埋沒顧榮翁他日觀軍容投壺接高宴

高適途中寄徐錄事一首

落日風雨至秋天鴻鴈初離憂不堪比旅館復何如
君又幾時去我知音信踈空多篋中贈長見右軍書

杜甫寄邛州崔錄事一首

邛州崔錄事聞在果園坊久待無消息終朝有底忙
應愁江樹遠怯見野亭荒浩蕩風烟外誰知酒熟香

岑參寄宇文判官一首

西行殊未已東望何時還終日風與雪連天沙復山
二年領公事兩度過陽關相憶不可見別來頭已斑

杜甫寄高三十五書記一首

歎息高生老新詩又日多美名人不及佳句法如何
主將收才子崆峒足凱歌聞君已朱紱且得慰蹉跎

杜甫寄薛三郎中一首

人生無賢愚颺颺若埃塵自非得神仙誰免危其身

與子俱白頭役役常苦辛雖爲尚書郎不及村野人
憶昔村野人其樂難具陳藹藹桑麻交公侯爲等論
天未厭戎馬我輩本常貧子尚客荊州我亦滯江濱
峽中一卧病瘧癘終冬春春復加肺氣此病蓋有因
早歲與蘇鄭痛飲情相親二公化爲土嗜酒不失真
予今委脩短豈得恨命屯聞子心甚壯所過信席珍
止馬不用扶每扶必怒嗔賦詩賓客間揮洒動八垠
乃知蓋代手才力老益神青草洞庭湖東浮滄海濬
君山可避暑况足采白蘋子豈無扁舟往復江漢津
我未下瞿塘空念禹功勤聽說松門峽吐藥攬衣巾

高秋却束帶鼓拖視清旻鳳池日澄碧濟濟多士新
余病不能起健者勿逡巡上有月哲君下有行化臣

杜甫寄有夏郎中一首

省郎憂病士書信有柴胡飲子頻通汗懷君想報珠
親知天畔少藥餌峽中無歸楫生衣卧春鷗沈_超呼
猶聞土急水早作取平塗萬里黃華使爲僚記腐儒
賈至巴陵寄李二戶部張四禮部一首

江南芳草初纂纂愁殺江南獨愁客秦中楊柳也應
春轉憶秦中相憶人萬里鶯花不相見登高一望淚
沾巾

杜甫路逢襄陽少府入城戲呈揚員外綰一
首

寄語揚員外山寒少挾苓歸來稍暄暖當爲斲青冥
翻動神仙窟封題鳥獸形兼將老藤杖扶汝醉初醒

李季蘭道意寄崔侍郎一首

莫漫戀浮名應須薄宦情百年齊旦暮前事盡虛盈
愁鬢行看白童顏學未成無過天竺國依止故先生

薛據冬夜寓居寄儲大祝一首

自爲洛隰客夫子吾知音愛又能下士時人無此心
柰何離居夜巢鳥飛空林愁坐至月上復聞南陵砧

孟浩然南還舟中寄大袁祝一首

公沂非便習風波厭苦辛忽聞遷谷鳥來報武陵春
嶺北迴征棹巴東問故人桃源在何處遊子正迷津

杜甫寄栢學士林居一首

自胡之反持干戈天下學士亦奔波歎彼幽栖載典
籍蕭然暴露向山阿青山萬里靜散地白雨一洗空
垂蘿亂代飄零予到此古人成敗子如何荆揚春冬
異風土巫峽日夜多雲雨赤葉楓林百舌鳴黃泥野
岸天鷄舞盜賊縱橫甚密邇形神寂寞耳辛苦幾時
高議排金門各使倉生有環堵

杜甫寄韓諫議一首

今我不樂思洛陽身欲奮飛病在床美人娟娟隔秋水濯足洞庭望八荒鴻飛冥冥日月白青楓葉赤天雨霜王京群帝集北斗或騎麒麟與鳳凰芙蓉旌旗烟霧縈影動倒景搖瀟湘星宮之君醉瓊漿羽人稀少不在傍似聞昨者赤松子恐是漢代韓張良昔隨劉氏定長安帷幄未改神慘傷國家成敗吾豈敢色難腥腐食楓香周南留滯古莫惜南極老人應壽昌美人胡爲隔秋水焉得置之貢玉堂

張謂寄李侍御一首

柱下聞周史書中慰越吟近看三歲字遙見百年心價以吹嘘長恩從顧盼深不栽桃李樹何日得成陰

李白寄崔侍御一首

宛溪霜夜听猿愁去國長如不繫舟獨伶一鴈飛南海却羨雙溪解北流高人屢解陳蕃榻過客難登謝眺樓此處別離同落葉朝朝分散敬亭秋

李百藥寄楊公一首

公子盛西京光華早著名分庭接遊士虛館待時英高閣浮香出長廊寶釧鳴百花無隔咲歌扇不揚聲

杜甫弊廬遣興奉寄嚴公一首

唐詩卷之四十九 卷之四十九 十八 荆齊劇本
野水平橋路春沙映竹村風輕粉蝶喜花暖蜜蜂喧
把酒宜深酌題詩好細論府中瞻暇日江上憶詞源
跡忝朝廷舊情依節制尊還思長者轍恐避席爲門

王維寄荊州張丞相一首

所思竟何在悵望深荆門舉世無相識終身思舊恩
方將與農圃藝植老丘園目盡南無鴈何由寄一言

杜甫寄高三十五詹事一首

安穩高詹事兵戈久索居時來如宦達歲晚莫情踈
天上多鴻鴈池中足鯉魚相看過半日不寄一行書

杜甫奉寄李十五秘書二首

避暑雲安縣秋風早下來暫留魚腹浦同過楚王臺
猿鳥千崖窄江湖萬里開竹枝歌未好畫舸且遲回
行里千金贈衣冠八尺身飛騰知有策意度不無神
班秩蕪通貴公侯出異人玄成負文彩世業豈沉淪

杜甫寄岳州賈司丈六丈巴州嚴八使君兩

閣老一首

衡岳啼猿裏巴州鳥道邊故人俱不利謫宦兩悠然
開闢乾坤正榮枯雨露偏長沙才子遠釣瀨客星懸
昨憶趨行殿殷憂捧御筵討胡愁李廣奉使待張騫
無復雲臺仗虛脩水戟舡蒼茫城七十流客劍三千

唐詩卷之四十八
卷之四十八
畫角吹秦晉旄頭俯澗瀍小儒輕董卓有識咲符堅
浪作禽填海那將血射天萬方思助順一鼓氣無前
陰散陳倉北晴曛太白巔亂麻屍積衛破竹勢臨燕
法駕還雙闕王師下八川此特霑奉引佳氣拂周旋
貔虎開金匣麒麟受王鞭侍臣諳入仗旣馬解祭仙
花動朱樓雪城凝碧樹烟衣冠心慘愴故老淚潺湲
哭廟悲風急朝正暮景鮮月分梁漢米春給水衡錢
內蕊繁於纈宮花軟勝錦恩榮同拜手出入最隨肩
晚著華堂醉寒重綉被眠纒齊薰秉燭書徃滿懷牋
每覺昇元輔深期列大賢秉鈞方咫尺鍛翻再聯翩

禁掖朋從改微班性命全青蒲耳受戮白髮竟誰怜
弟子貧原憲諸生老伏虔師資謙未達鄉黨敬何先
舊好勝堪斷新愁眼款穿翠乾危棧竹紅膩小湖蓮
賈筆論孤憤嚴君賦幾篇定知深意苦莫使衆人傳
貝錦無停織朱絲有斷絃浦鷗防碎首霜鶻不空拳
地僻昏炎瘴山稠隘石泉且將某度日應用酒爲年
典郡終微眇治中實棄捐安排求傲吏比興展歸田
去七才誰得蒼七理又玄古人稱逝矣吾道卜終焉
隴外翻投跡漁陽復控弦咲爲妻子累耳與歲時遷
親故行稀少兵戈動接聯他鄉饒夢寐失侶自迍邐

多病加淹泊長吟阻靜便如公畫雄俊志在必騰騫

杜甫秋日夔府詠懷奉寄鄭監李賓客之芳

一首

絕塞烏蠻北孤城白帝邊飄零仍百里消渴已三年
雄劍鳴開匣群書滿繫舡亂憂心不展衰謝日蕭然
筋力妻孥問菁華歲月遷登臨多物色陶冶賴詩篇
峽束滄江起巖排石樹圓拂雲霾楚氣潮海蹴吳天
煮井爲鹽速燒畝度地偏有時驚疊嶂何處覓平川
鸚鵡雙雙舞獼猴壘壘懸碧蘿長似帶錦石小如錢
春草何曾歇寒花亦可怜獵人吹戍火野店引山泉

喚起搔頭急扶行幾夜穿兩京猶薄產四海絕隨肩
幕府初交辟郎官幸備員瓜時猶旆寓萍泛若黃緣
藥餌虛狼藉秋風洒靜便開襟驅瘴瘡明目掃雲烟
高竄諸侯禮佳人上客前哀箏傷老大華屋艷神僊
南內開元曲常時弟子傳法歌聲變轉滿座涕潸潸
吊影夔州僻回腸杜曲煎即今龍廡水莫帶犬戎羶
耿賈扶王室蕭曹供御筵秉威滅蜂蠆戮力効鷹鷂
舊物森猶在兇徒惡未俊國須行戰伐人憶止戈鋌
奴僕何知禮恩榮錯與權胡星一慧孛黔首遂拘攣
哀痛絲綸切煩苛法令蠲業成陳始王兆喜出于畋

唐詩卷之四十九
宮禁經綸密台階
戴全熊罷載呂望
鴻鴈美周宣
側聽中興主長吟
不世賢音微一柱
數道里下牢千
鄭李光時論文章
並我先陰何尚清
省沈宋歛聯翩
律比崑崙竹音知
燥濕絃風流俱善
價愜當久忘筌
置驛常如此登龍
蓋有焉雖云隔有
數不敢墜周旋
高視人表虛心味
道玄馬來皆汗血
鶴唳必青田
羽翼商山起蓬萊
漢閣連管寧紗絹
淨江令錦袍鮮
東郡特題壁南湖
日扣舷遠遊臨絕
境佳句染華牋
每欲孤飛去徒爲
百慮牽生涯已寥
落國步尚迍邐
衾枕成蕪沒池塘
作棄捐別離憂恒
怛伏臘涕漣漣

露菊班豐鎬秋蔬影澗瀝共誰論
昔事幾處有新阡
富貴空回首喧爭懶著鞭
兵戈塵漠漠江漢月娟娟
苟促看秋燕蕭疎聽晚蟬
雕虫蒙記憶烹鯉問沉綿
卜羨君平杖偷存子敬囊
虛把釵釧米盡折花鈿
耳子陰涼葉茅齋八九椽
陳圖沙北岸市暨瀆西巔
羈絆心嘗折棲遲病卽痊
紫收岷嶺芋白種陸家蓮
色好梨勝頰穰多栗過拳
勅厨惟一味求飽或三鱸
兒去看魚筍人來坐馬羈
縛柴門窄窄通竹溜涓涓
塹抵公畦稜村依野廟
孺缺籬將棘拒倒石賴藤纏
借問頻朝謁何如穩書眠
誰云行不逮自覺坐能堅

霧雨銀章澁馨香粉曙妍紫鸞無遠近黃雀任翻翹
困學遠從衆明公各勉旃聲華夾宸極早晚到旱躔
懇諫留匡鼎諸儒引服虔不逢輸鯁直會是正陶甄
宵旰憂虞軫黎元病苦駢雲臺終日畫青簡為誰編
行路雖何有招尋興已專由來具飛檝暫擬控鳴弦
身許雙峰寺門求七祖禪落帆追宿昔衣褐向真詮
安石名高晉昭王客赴燕途中非阮籍查上似張騫
披拂雲寧在淹留景不延風期終破浪水恠莫飛涎
他日辭神女傷秦怯杜鵑淡交隨聚散澤國遠迴旋
本自依迦葉何曾藉偓佺鑪峰生轉眄橋井尚高褰

東走窮歸鶴南征盡跼鳥晚聞多妙教卒踐寒前愆
頽愷丹青列頭陀瓊琰鑄衆香深黯七幾地肅阡七
勇猛為心極清羸任躰孱金篦空刮眼鏡象未離銓

杜甫奉寄河南常尹丈人一首

有客傳河尹逢人問孔融青囊仍隱逸章甫尚西東
鼎食為門戶詞場繼國風尊榮瞻地絕踈放憶途窮
濁酒尊陶令丹沙訪葛洪江湖飄短褐霜雪滿飛蓬
牢落乾坤大周流道術空謬慙知蘄子真怯咲揚雄
盤錯神明懼謳歌德又豐尸鄉餘土室難說祝鷄翁
李白秋山寄衛尉張卿及王徵君一首

何以折相贈白花青桂枝月華若夜雪見此令人思
雖然剡溪興不異山陰時明發懷二子空吟招隱詩

孟浩然行至汝墳寄盧徵君一首

行乏憇予駕依然見汝墳洛川方罷雪嵩嶂有殘雨
曳曳半空裡容容五色分聊題一時興因寄盧徵君

杜甫寄常徵君一首

白水青山空復春徵君晚節傍風塵楚妃堂上色殊
衆海鶴階前鳴向人萬事糾紛猶絕粒一官羈絆實
藏身開州入夏知涼冷不似雲安毒熱新

杜甫寄張十二山人彪一首

獨卧嵩陽客二遠潁水春艱難隨老母慘淡向時人
謝氏尋山屐陶公漉酒巾群兗弥宇宙此物在風塵
歷下辭姜被閩西得孟鄰早通交契密晚接道流新
靜者心多妙先生藝絕倫草書何太古詩興不無神
曹植休前輩張芝雨後身數篇吟可老一字買堪貧
將恐曾防寇深潛託所親寧聞倚門夕盡力潔飡晨
踈嬾爲名誤驅馳喪我真索居猶寂寞相遇益愁辛
流轉依邊徼逢迎念席珍時來故舊少乱后別離頻
世祖脩高廟文公賞從臣商山猶入楚渭水不離秦
存想青龍秘騎行白鹿馴耕巖非谷口結草在河濱

肘後符應驗囊中藥木陳旅懷殊不愜良覲眇無因
自古皆悲恨浮生有屈伸此邦今尚武何處且家仁
鼓角凌天籟關山信月輪官場羅鎮積賊火近洮岷
蕭瑟論兵地蒼茫聞將辰大軍多處所餘孽尚紛綸
高興知籠鳥斯文起獲麟窮秋正搖落回首望松筠

孟浩然秦中感秋寄上人一首

一丘常欲卧三逕苦無資北上非無願東林懷我師
黃金撚桂盡壯志逐年衰日夕涼風至聞蟬但益悲

杜甫因許八奉寄江寧旻上人一首

不見旻公三十年封書寄與淚潺湲舊來好事今能

否老去新詩誰與傳碁局動隨尋澗竹袈裟憶正泛
湖船聞君話我為官在頭白昏昏只醉眠

杜甫蘇端薛復筵簡薛華醉歌一首

文章有神交有道端復得之名齋早愛客涵堂盡豪
傑開筵上日思芳草安得健步移遠梅亂挿繁華向
晴昊千里猶殘舊冰雪百壺且試開懷抱垂老惡聞
戰鼓悲急觴為緩憂心擣少年努力縱談咲看我形
容已枯槁座中薛華善醉歌歌辭自作風格老近來
海內為長句汝與山東李白好何刘沈謝力未工才
兼鮑照愁絕倒諸生頗盡新知樂萬事終傷不自保

唐詩類苑 卷之四十九人部 七十五 崧齋別本
氣酣日落西風來願吹野水添金杯如澠之酒常快
意亦知窮愁安在哉忽憶兩時秋井塌古人白骨生
青苔如何不飲令心哀

杜甫投簡成華兩縣諸子一首

赤縣官曹擁材傑軟裘快馬富冰雪長安苦寒誰獨
悲杜陵野老骨欲折南山荳苗早荒穢青門瓜地新
凍裂鄉里兒童項領成朝廷故舊禮數絕自然棄擲
與時異况乃踈頑臨事拙飢卧動即尚一旬弊裘何
啻聯百結君不見空牆日色晚此老無聲淚垂血

杜甫君不見簡蘇溪一首

君不見道邊廢棄池君不見前者摧折桐百年死樹
中琴瑟一斛舊水藏蛟龍丈夫蓋棺事始定君今幸
未成老翁何恨憔悴在山中深山窮谷不可處霹靂
飄飄蕪狂風

李白見京兆常參軍量移東陽一首

聞說金華渡東連五百灘全勝若耶好莫道此行誰
猿嘯千溪合松風五月寒他年一携手採艇入新安

杜甫聞惠子過東溪一首

惠子白駒瘦婦溪堆病身皇天無老眼空谷滯斯人
崖密松花熟山杯竹葉春柴門了生事黃綺未稱臣

唐詩類苑第四十九卷終

木如茅餘回外謝對山山中巖山巖谷不可裏尋
中琴瑟一惟蕭水然地請大夫益計車故安昔今幸
吾不具能盡列棄此吾不具商若巖川附百平天樹

唐詩類苑第五十卷

仁和卓明卿徵父編輯
華亭張之象玄超
長洲毛文蔚豹孫同校

人部

贈

駱賓王遊德州贈高四一首

日觀隣全趙星臨俯舊吳
隔津開巨浸稽阜鎮名都
紫雲浮劔匣青山孕寶符
封疆恢霸道問鼎競雄圖
神光包四大皇威震八區
風煙通地軸星象正天樞

唐詩類苑

卷之四十九

一

駱賓王

天樞限南北地軸殊鄉國關門通舜賓比屋封堯德
言謝垂釣隱來叅負鼎職天子不見知羣公詎相識
未展從東駿空戰圖南翼時命欵何言撫膺長嘆息
嘆息將如何遊人意氣多白雪梁山曲寒風易水歌
泣魏傷吳起思趙切廉頗淒斷韓王劍生死翟公羅
羅起崔公意劍負韓王氣驕餌去易論忘途良可畏
夙昔懷江海平生混涇渭千載契風雲一言忘賤貴
去去訪林泉空谷有遺賢言投爵里刺未泛野人船
締交君晤縞投分我忘筌成風郢匠斲流水伯牙絃
牙絃忘道術漳濱恣閑逸聊安張蔚廬詎掃陳蕃室

虛室狎招尋敬愛混浮沈一諾黃金信三復白圭心
霜松真雅節月桂卽冲襟靈臺萬頃濤學府九流深
談玄明毀壁拾紫陋籬金鷺濤開筆游鳳彩綴詞林
林虛星華映水澈霞光淨霞水兩分紅川原四望通
霧捲天山靜烟銷太史空鳥聲流向轉蝶影亂芳叢
柳陰低繫水荷氣上薰風風月芳菲節物華紛可悅
將歡促席賞遽尔又歸別積水帶吳門通波連禹穴
贈言雖欲盡機心庶應絕潘岳本自閑梁鴻不因熱
一颺欣狎遁三月聊棲拙棲拙隱金華狎道訪僊查
放曠愚公谷消散野人家一頃南山荳五色東陵瓜

野衣裁薜葉山酒酌藤花白雲離望遠青溪隱路賒
倘憶幽巖柱猶冀折踈麻

駱賓王在江南贈宋五之問一首

井絡雙源濬湯侯九派長淪波通地穴委翰下歸塘
別鳥籠朝蜃連洲擁夕漲韞珠成積潤讓壁動浮光
浮光疑折水積潤踈圓吐玉輪涵地崩劍仰連星起
風烟標迥秀英靈信多美懷德踐遺芳端操慙謀已
謀已謬觀光牽跡強恓惶撥拙迷三省勞生昧兩忘
彈隋空歡笑獻楚自尋傷一朝殊語默千里異炎涼
炎涼幾遷貿川陸疲臻湊積水架吳濤連山橫楚岫

風月雖殊昔星河猶是舊姑蘇望南浦邯鄲通北斗
北斗平生親南浦別離津瀟湘一超忽洞庭多苦辛
秋江無綠芷寒汀有白蘋采之將何遺故人漳水濱
漳濱已遼遠江潭未旋返爲聽短歌行當想長洲苑
露余薰菊岸風佩搥蘭坂蟬鳴稻葉秋鴈起蘆花晚
晚秋雲日明亭臯風露清獨負平生氣空牽搥落情
占星非聚德夢日詎懸名寂寥傷楚奏淒斷泣秦聲
秦聲懷舊里楚奏悲無已郢路少叢臺叢臺富奇士
溫暉凌愛日壯氣驚寒水一願重風雲三冬足文史
文史盛紛綸京洛多風塵猶輕五車富未重一囊貧

李儂非易託蘇鬼曲難因不惜勞歌盡誰為聽陽春

陳子昂贈趙六二首

田中烽火入塞上追兵起此時濕朔寒怨隴思君子
東顧望漢京南山雲霧裏

赤蟠媚其形婉變蒼梧泉昔者瑯琊子躬耕亦慨然
美人豈遐曠之子乃前賢良辰在何許白日屢頽遷
道心固微密神用無留連舒可弥宇宙攬之不盈拳
蓬蒿久蕪沒金石徒精堅良寶委短褐閑琴獨嬋娟

高適效古贈崔二一首

十月河洲時一看有歸思風飄生慘烈雨雪暗天地

我輩今胡為浩哉迷所至緬懷當途者濟七居聲位
邈然在雲霄寧肯更淪躓周旋多燕樂門館列車騎
美人芙蓉姿狹室蘭麝氣金鑪陳獸炭談笑正得意
豈論草澤中有此枯槁士我慙經濟策久欲耳棄置
君負縱橫才如何尚顛顛長歌增鬱快對酒不能醉
窮達自有時夫子莫下淚

王維贈裴十迪一首

風景日夕佳與君賦新詩澹然望遠空如意方支頤
春風動百草鱸蕪生我籬曖七日暖閨田家來致辭
欣欣春還臯淡七水生陂桃李雖未開萸萸蒲芳枝

唐詩卷之五 八
請君理還策敢告將農時

王維贈裴迪一首

不相見不相見來久日七泉水頭常憶同攜手攜手
本同心復嘆忽分襟相憶今如此相思深不深

王維座上走筆贈薛璣慕容損一首

希世無高節絕跡有卑棲君徒視人文吾固和天倪
緬然萬物始及與群牧齊分地依后稷川天信重黎
春風何豫人令我思東溪草色有佳意花枝稍含萼
更待風景好與君藉萋

王維贈李頎一首

聞君餌丹砂甚有好顏色不知從今去幾時生羽翼
王母翳華芝望爾崑崙崙崙側文螭從赤豹萬里走方息
悲哉世上人耳此羶脾食

王維贈祖三詠一首

蠨蛸掛虛牖蟋蟀鳴前除歲晏涼風至君子復何如
高館聞無人離居不可道閑門寂已閉落日照秋草
雖有近音信千里阻河閩中復客汝穎去年歸舊山
結交二十載不得一日展貧病子既深契闊余不淺
仲秋雖未歸暮秋以為期良會詎幾日終自長相思

王維贈房盧氏綰一首

唐詩卷之五十一
五
達人無不可忘已愛蒼牛豈復少十室絃歌在兩楹
浮八日已歸但坐事農耕桑榆籌相望邑生多鷄鳴
秋山一何淨蒼翠臨寒城視事無偃卧對書不簪纓
蕭條人吏踈鳥雀下空庭鄙夫心所向晚節異平生
將從海岳居守靜解天刑或可累安邑茅茨君試營

李頎贈張旭一首

張公性嗜酒豁達無所營皓首窮草隸時稱太湖精
露頂據胡床長叫三五聲興來灑素壁揮筆如流星
下舍風蕭條寒草滿戶庭問家何所有生事如浮萍
左手持麈尾右手執丹經瞪目視霄漢不知醉與醒

諸賓且方座旭日臨東城荷葉裹江魚白甌貯香秬
微祿心不泄放神於八紘時人不識者卽是安期生

李白贈徐安宜一首

白田見楚老歌詠徐安宜製錦不擇地操刀良在茲
清風動百里惠化聞京師浮人若雲歸耕種滿郊岐
川光淨麥隴日色明桑枝訟息但長嘯負床或解頤
青橙拂戶牖白水流園池游子滯安邑懷恩未忍辭
繫君獨桃李歲晚託深期

李白早秋贈裴十七仲堪一首

遠海動風色吹愁落天涯南星變大火熱氣餘丹霞

唐詩卷之五十八
光景不可回六龍轉天車荆人泣美玉魯叟悲匏瓜
功業若夢裡撫琴發長嗟裴生信英邁屈起多才華
歷抵海岱豪結交魯朱家復攜兩少妾艷色驚荷葩
隻歌入青雲但惜白日斜窮湏出寶貝大澤饒龍蛇
明主倘見收煙霄路非賒時命若不會歸應鍊丹砂
李白贈范金卿二首

君子枉清盼不知東走迷離家未幾月絡繹鳴中闈
桃李君不言攀花願成蹊那能吐芳信惠好相招携
我有結綠珍久藏濁水泥時人棄此物乃與燕石齊
摺拭欲贈之申眉路無梯遼東慚白豕楚客羞山鷄

徒有獻芹心終流泣玉啼祗應自索漠留舌示山妻

又

范宰不買名絃歌對前楹為邦默自化日覺冰壺清
百里鷄犬靜千廬機杼鳴浮人少蕩析愛客多逢迎
遊子覩佳政因之聽頌聲

杜甫贈李白一首

二年客東都所歷厭机巧野人對羶腥蔬食常不飽
豈無青精飯使我顏色好苦乏大藥資山林跡如掃
李侯金閨彥脫身事幽討亦有梁宋遊方期拾瑤草
杜甫贈鄭十八賁一首

温七士君子令我懷抱盡靈芝冠衆芳安得闕親近
遭亂意不歸竄身跡非隱細人尚姑息吾子色愈謹
高懷見物理識者安肯哂卑飛欲何待捷徑應未忍
示我百篇文詩家一標準羈離交屈宋牢落值顏閔
水陸迷畏途藥餌駐脩軫故人日已遠青史自不泯
步趾誅唐虞追隨餽葵藿數杯資好事異味煩縣尹
心雖在朝謁力與願矛盾抱病排金門寒容肯爲敏

杜甫奉贈射洪李四丈一首

丈人屋上烏人好烏亦好人生意氣豁不在相逢早
南京亂初定所向色枯槁遊子無根株茅齋付秋草

東征下月峽挂席窮海島萬里須十金妻孥未相保
蒼忙風塵際蹭蹬麒麟老志士懷感傷心骨已傾倒

杜甫贈蘇溪一首

異縣昔同遊各云厭轉蓬別離已五年尚在行李中
戎馬日衰息乘輿安九重有才何棲七將老委所窮
爲郎未爲賤其柰疾病攻子何面黧黑焉得豁心曾
巴蜀倦剽劫下愚成土風凶薊已削平荒徼尚彎弓
斯人脫身來豈非吾道東乾坤雖寬大所適裝囊空
肉味哂菜色少壯欺老翁况乃主客間古來偏側同
君今下荆揚獨帆如飛鴻三州豪俠場人馬皆自雄

一請其寒賤再請其養家

王季友滑中贈顧高士瓘一首

夫子保藥命外身得無咎日月不能老化腸爲筋否
十年前見君甲子過我壽于何今相逢華髮在我後
近而知其遠少見今白首遙信蓬萊宮不死世世有
玄石採盈擔神方秘其肘問家唯指雲愛氣常言酒
攝生固如此履道當不朽未能太玄同願亦天地久
實腹以芝朮賤形仍芻狗自勉將勉余良藥在苦口
故人隔千里曾面非別期握手於此地當歡返成悲

沈千運贈史脩文一首

念離宛如昨俄已二十暮疇昔皆少年別來髮如絲
不道舊姓名相逢知是誰曩遊盡騫翥與君仍布衣
豈曰無其才命理庶有時前路漸欲少不覺生涕洟

王維贈吳官一首

長安客舍熱如煮無箇茗糜誰御暑空搖白團其諦
苦歎向縹囊還歸旅江鄉鯖鮓不寄來秦人湯餅那
堪許不如儂家任挑達草齋螃蝦富春渚

李白贈裴十四一首

朝見裴叔則朗如行玉山黃河落天走東海萬里瀉
入曾懷間身騎白黿不敢渡金高南山買君顧徘徊

六合無相知，飄若浮雲且西去。

張謂贈喬林一首

去年上策不見收，今年寄食仍淹留。羨君有酒能便醉，羨君無錢能不憂。如今五侯不待客，羨君不入五侯宅。如今七貴方自尊，羨君不過七貴門。丈夫會應有知己，世世悠悠七安足論。

孔紹安贈蔡君一首

疇昔同幽谷，伊爾遷喬木。赫奕盛青紫，討論窮簡牘。

王勃贈李十四四首

野客思茅宇，山人愛竹林。琴樽唯待處，風月自相尋。

其二

小徑偏宜草，空庭不厭花。平生詩與酒，自得會仙家。

其三

亂竹開三徑，飛花滿四隣。從來揚子宅，別有尚玄人。

其四

風筵調桂軫，月逕引藤盃。直當花院裏，書齋望曉開。

王維贈帝穆十八一首

與君青眼客，共有白雲心。不向東山去，日令春草深。

孟浩然口號贈王九一首

日暮田家遠，山中物又淹。歸人須早去，稚子望陶潛。

唐詩卷之五十八部

梁錕贈李中華一首

莫向嵩山去神僊多誤人不如朝魏闕天子重賢臣

杜甫贈李白一首

秋來相顧尚颺蓬未就丹砂愧葛洪痛飲狂歌宜度日飛揚跋扈為誰雄

杜甫重贈鄭鍊絕句一首

鄭子將行罷使臣囊無一物獻尊親江山路遠羈離日裘馬誰為感激人

高適醉後贈張九旭一首

世上謾相識此翁殊不然興來書自聖醉後語猶顛

白髮老閒事青雲在目前牀頭一壺酒能更幾回眠

祖咏蘭峯贈張九臯一首

君王既巡狩輦路入秦京遠樹低蒼壘孤山入幔城寒踈禁城漏夜警羽林兵誰念迷方客長懷魏闕情

李白贈郭季鷹一首

河東郭有道於世若浮雲盛德無我位清光獨映君耻將鷄並食長與鳳為羣一擊九千仞相期凌紫氛

李白贈柳圓一首

竹實滿秋浦鳳來何苦飢還同月下鵲三繞未安枝夫子即瓊樹傾柯拂羽衣懷君恋明德歸去日相思

唐詩類苑 卷之五十八部 十一

杜甫贈高式顏一首

昔別是何處相逢皆老夫故人還寂莫削跡共艱虞
自失論文友空知賣酒壚平生飛動意見尔不能無
杜甫贈孟氏一首

杜甫贈畢四一首

才大今詩伯家貧苦宦卑饑寒奴僕賤顏狀老翁爲
同調嗟誰惜論文笑自知流傳江鮑體相顧免無兒

杜審言贈崔融一首

十年俱薄宦萬里各他方雲天斷書札風土異炎涼
太息幽蘭紫勞歌奇樹黃日疑懷叔度夜似憶真長
北使從江左東歸在洛陽相逢慰疇昔相對叙存亡
草深窮巷敗竹盡故園荒稚節君彌固衰顏余自傷
人事盈虛改交遊寵辱妨雀羅爭去翟鶴斃競尋王
思極歡娛至朋情詎可忘連騎追佳賞城中及路傍
琴樽橫宴席岳沼卧詞場三川宿雨霽四月晚花芳
復此開懸榻寧唯入後堂興酣鴈鴒舞言洽鳳凰翔
高選伏遷職嚴程已飭裝撫躬街道義攜手戀輝光
玉振先推美金銘舊所防勿嗟離別易行役共時康

杜甫移居公安敬贈衛大郎一首

衛侯不易得余病汝知之雅量溼高遠清襟照等夷
平生感意氣少小愛文辭河海由來合風雲若有期
形容勞宇宙質朴謝軒墀自古困人泣流年壯士悲
水煙通徑草秋露接園葵入邑豺狼闖傷弓鳥雀饑
白頭供宴語烏儿伴棲遲交態遭輕薄今朝豁所思

王維贈張五弟諲三首

吾弟東山時心尚一何遠日高猶自卧鍾動始能飯
領上髮未梳牀頭書不卷清川與悠七空林對偃蹇
青苔石上淨細草松下軟窓外鳥聲閒階前虎心善

徒然萬像多澹尔太虛緬一知與物平自顧爲人淺
對君忽自得浮念不煩遣

張第五車書讀書仍隱居染翰過草聖賦詩輕子虛
閉門一室下隱居十年餘宛是野人也時從漁父魚
秋風日蕭索五柳高且踈望此去人世渡水向吾廬
歲宴同携手只應君與予

三

設置守龜兔垂釣伺遊鱗此是安口腹非閑慕隱淪
吾王好清靜蔬食去情塵今子方豪蕩思爲鼎食人
我家南山下動息自遺身入鳥不相亂見獸皆相親

唐詩卷之五十一
雲霞成伴侶虛白侍衣巾何事須夫子邀予公口真
李白贈臨洛縣令皓弟一首

陶令去彭澤茫然太古心大音自成曲但奏無絃琴
釣水路非遠漣鱉意何深終期龍伯國與尔相招尋

李白贈從弟冽一首

楚人不識鳳重價求山鷄獻主昔云是今來方覺迷
自居涖園地久識咸陽西風飄落日去節變流鶯啼
桃李寒未開幽關豈來蹊逢君發華萼若與青雲齊
及此桑葉綠春蚕起中閨日出布谷鳴田家擁鉏犁
顧余乏尺土東作誰相携傳說降霖雨公輸造雲梯

羗戎事未息君子悲塗泥報國有長策成功羞執圭
無由謁明主杖策還蓬藜他年尔相訪知我在磻溪

盧照隣贈益府羣官一首

一鳥自北燕飛來向西蜀單棲劍門上獨舞岷山足
昂藏多古貌哀怨有新曲羣鳳從之遊問之何所欲
答言寒鄉子飄七萬餘里不息惡木枝不飲盜泉水
常思稻梁遇願息梧桐樹智者不我邀愚夫余不顧
所以成獨立耿七歲云暮日夕苦風霜思歸赴洛陽
羽翻毛衣短閑山道路長明月流客思白雲迷故鄉
誰能借風便一舉凌蒼七

唐詩卷之五十一 八部 十四 盧照隣贈益府裴錄事一首

忽七歲云暮相望限風烟長歌欲對酒危坐遂停絃
停絃變霜露對酒懷朋故朝看桂蟾晚夜聞鴻鴈度
鴻度何時還桂晚不可攀浮雲映丹壑明月滿青山
青山雲路深丹壑月華臨耿七離憂積空令星鬢侵

張說贈趙侍御一首

祿放跡異端偏荒事同寒苟志風波累俱會雲壑踐
險式屢西湖僑盧對南峴夜樓江月入朝幌山雲卷
山勢遠濤連江途斜漠轉坐嘯予多暇行吟子獨善
並轡驪郊郭方舟玩遊演虛聲萬籟分水色千里辨

不知岸陰謝再見春露玄綠壤發欣顏華年助蟲篆
上世時難接古人情可選泊渚煩爲媒多才怨成褊
長沙鵬作賦任道可知淺請從三已心榮辱兩都遣

常建贈王侍御一首

高山臨大澤正月蘆花乾陽色薰兩崖不改青松寒
士賢守孤貞古來皆共難明君錯任才臺上飛三鸞
操與霜雪明量與江海寬束身視天涯安能窮波瀾
孤鶴在枳棘一枝非所安逸翮望絕霄見欲凌雲端
層臺何其高山石流洪湍固知非天池鳴躍同所歡
誰念獨枯槁四十長江干責躬貴知已効拙從一官

折潮悲高風苦飢候朝飡湖月映大海天空何漫七
托身未知所謀身庶不刊吟彼喬木詩一夕常三嘆

李白贈崔侍御二首

黃河二尺鯉本在孟津居點額不成龍歸來伴凡魚
故人東海客一見借吹噓同濤倘相見更欲凌崑墟

李白贈常侍御黃裳二首

太華生長松亭上凌霜雪天與百尺高豈爲微颺折
桃李賣陽艷路人行且迷春光掃地盡碧葉成黃泥
願君學長松慎勿作桃李受屈不改心然後知君子

又

見君乘驄馬知上太山道此地果推輪全身以爲寶
我如豐年玉棄置秋田草但最冰壺心無爲歎衰老

李白贈常侍御一首

安石在東山無心濟天下一起振橫流功成復瀟洒
大賢有卷舒季葉輕風雅匡復屬何人君爲知音者
傳聞武安將氣振長平瓦燕趙期洗清周秦保宗社
登朝若有言爲訪南遷賈

杜甫贈王二十四侍御契四十韻一首

往七錐相見飄七愧此身不關輕綬冕俱是避風塵
二別星橋夜三移斗柄春敗亡非赤壁奔走爲黃巾

唐詩類苑 卷之五十八 部
子去何瀟洒余藏異隱淪書成無過鴈衣故有懸鶉
恐俱行裝數伶俜卧疾頻曉鶯工迸淚扶月解傷神
會面嗟鷺黑含悽話苦辛接輿還入楚王粲不歸秦
錦里殘丹灶花溪得釣綸消中祇自惜晚起索誰親
伏柱聞周史乘槎似漢臣鴛鴻不易狎龍虎未宜馴
客即掛冠至交非傾蓋新由來意氣合直取性情真
浪跡同生死無心耻賤貧偶然存蔗芋幸各對松筠
糲飯依他日窮愁怪此辰女長裁褐穩男大卷書勻
溯口江如練蚕崖雪似銀名園當翠巘野棹沒青蘋
屢喜王侯宅特邀江海人追隨不覺晚欵曲動彌旬

但使芝蘭秀何須棟宇鄰山陽無俗物鄭驛正留賓
出入並鞍馬光輝忝席珍重遊先主廟更歷少城圍
石境浦幽鼻琴臺隱絳唇送終惟糞土結愛獨荆榛
置酒高林下觀碁積水濱區區七耳累跣梢七息勞筋
網聚粘圓鯽絲繁煮細專長歌敲柳瘦小睡凭藤輪
農月須知課田豕敢忘勤浮生難去食良會惜清晨
列國兵戈暗今王德教淳安聞除狹狹休作畫麒麟
洗眼看輕薄虛懷任屈伸莫令膠漆地萬古重雷陳
李白贈宣城宇文太守一首
白若白鷺鮮清如清唳蟬受氣有本性不爲外物遷

飲水箕山上食雪首陽巔
迴車避朝歌掩口去盜泉
迢遙廣成子倜儻魯仲連
卓絕二公外丹心無間然
昔攀六龍飛今作百鍊鉛
懷恩欲報主投珮向北燕
彎弓綠弦開滿月不憚堅
閑騎駿馬獵一射兩虎穿
回旋若流光轉背落雙鳶
胡虜三嘆息兼知五兵權
鎗七突雲將却掩我之妍
多逢勦絕兒先着祖生鞭
據鞍空矍鑠壯志竟誰宣
蹉跎復未歸憂恨坐相煎
無風難破浪失計長江邊
危苦惜頽光命波烈三圓
時遊敬亭上閒聽松風眠
或弄死溪月虛舟信河沿
顏公二十萬書付酒家錢
興發每取之聊向醉中僊

過此無一事靜談秋水篇
君從九卿來水國有豐年
魚鹽滿市井布帛如雲烟
下馬不作威冰壺照清川
霜眉邑中叟皆羨太守賢
時上慰風俗往七出東田
竹馬數小兒拜迎白鹿前
含笑問使君日晚可迴旋
遂歸池上酌掩抑清風絃
層標橫浮雲下撫謝眺肩
棲高碧海出樹古青蘿懸
光祿紫霞杯伊昔忝相傳
良圖掃沙漠別夢繞旌旃
富貴日成踈願言杳無緣
登龍有直道倚玉阻芳筵
敢獻繞朝策思同郭泰船
何言一水淺似隔九重天
崔生何傲岸縱酒復談玄
身為名公子英才苦屯遭
鳴鳳托高梧凌風何翩翩

唐詩卷之五十一人部
安知慕群客彈劍拂秋蓮

李白贈從弟南平太守之遙一首

少年不得意落鳧無安居願隨任公子欲釣吞舟魚
常時飲酒逐風景壯心遂與功名踈蘭生公底人不
鋤雲在高山空卷舒漢家天子馳駟馬赤車蜀道迎
相如天門九重謁聖人龍顏一解四海春彤庭左右
呼萬歲拜賀明主收沈淪翰林秉筆回英盼麟閣岬
嶸誰可見承恩初入銀臺門著書獨在金鑾殿龍駒
雕鏗白玉勒象牀綺席黃金盤當時笑我微賤者却
來請謁爲交懽一朝謝病遊江海疇昔相知幾人在

前門長揖後門關今日結交明日改愛君山嶽心不
移隨君雲霧迷所爲夢得池唐生春草使我長價登
樓詩別後遙傳臨海作可見羊何共和之

李白贈溧陽宋少府陟一首

李斯未相秦且逐東門兔宋王事襄王能爲高唐賦
嘗聞綠水曲忽此相逢遇掃灑青天開豁然披雲霧
歲蕤紫鸞鳥巢在崑山樹驚風西北吹飛落南溟去
早懷經濟策特受龍顏頽白玉棲青蠅君臣忽行路
人生感分義貴欲呈丹素何日清中原相期廓天步

杜甫贈華陽柳少府一首

繫馬喬木間問人野寺門柳侯披衣笑見我顏色温
並坐石堂下俛視大江犇火雲洗月露絕壁上朝暾
自非曉相訪觸熱生病根南方六七月出入異中原
老少多嗔死汗踰水漿翻俊才得之子筋力不辭煩
指揮當世事語及戎馬存涕淚濺我裳悲氣排帝闈
鬱陶抱長策義仗知者論吾衰卧江漢但愧識璵璠
文章一小伎於道未爲尊起予幸班白因是託子孫
俱客古信州結廬依毀垣相去四五里徑微山葉繁
時危挹佳士况免軍旅喧醉從趙女舞歌鼓秦人盆
子壯饑我傷我驩兼淚痕餘生如過鳥故里今空村

李白贈秋浦柳少府一首

秋浦舊瀟索公庭人吏稀因君樹桃李此地忽芳菲
搥筆望白雲開簾當翠微時來引山月縱酒酣清暉
而我愛夫子淹留未忍歸

李白於五松山贈南陵常贊府一首

爲草當作蘭爲木當作松蘭幽香風遠松寒不改容
松蘭相因依蕭艾徒丰茸鷄與鷄並食鸞與鸞同枝
揀珠去砂礫但有珠相隨遠客投名賢真堪寫懷抱
若惜方寸心待誰可傾倒虞卿去趙相便與魏齊行
海上五百人同日死田橫當時不好賢豈傳千古名

唐詩卷之五十八部
十
願君同心人於我少留情
寂七還寂七出門迷所適
長鉞歸來乎秋風思歸客

李白江夏贈韋南陵冰一首

胡騎馬驚沙塵起胡雛飲馬天津水
君爲張掖近酒泉我竄三巴九千里
天地再新法令寬夜郎遷客帶霜寒
西憶故人不可見東風吹夢到長安
寧期此地忽相遇驚喜茫如墮烟霧
玉簫金管喧四筵苦心不得申
長句昨日繡衣傾綠樽病如桃李竟
何言昔騎天子大宛馬今乘欵段諸
侯門賴遇南平豁方寸復蕪夫子持
清論有似山開萬里雲四望青天解
人悶

人悶還心悶苦辛長苦辛愁來飲酒
二千石寒灰重暖生陽春山公醉後
能騎馬別是風流賢主人頭陀雲月
多僧氣山水何曾稱人意不然鳴笳
按鼓戲滄流呼取江南女兒歌栳謳
我且爲君搥碎黃鶴樓君亦爲我倒
却鸚鵡洲赤壁爭雄如夢裏且須歌
舞寬離憂

李白贈王漢陽一首

天落白玉棺王喬辭鄴縣一去未千
年漢陽復相見猶乘飛鳧鳥尚識僊
人面鬚髮何青七童顏皎如練吾曾
弄海水清淺嗟三變果慙麻姑言特
光速流電

與君數盃酒可以窮歡宴白雲歸去來何事坐交戰

王維贈劉藍田一首

籬中犬迎吠出屋候柴扉歲晏輸井稅山村人夜歸
晚田始家食餘布成我衣詎肯無公事煩君聞是非

李白贈韋秘書子春二首

谷口鄭子真躬耕在巖石高名動京師天下皆藉匕
斯人竟不起雲卧從所適苟無濟代心獨善亦何益
惟君家世者偃息逢休明談天信浩蕩說劍紛縱橫
謝公不徒然起來為蒼生秘書何寂上無乃羈豪英
且復歸碧山安能戀金闕舊宅樵漁地蓬蒿已應沒

却顧女几峯胡顏見雲月

又

徒為風塵苦一官已白鬢氣同萬里合訪我來瓊都
披雲覩青天捫虱話良圖留侯將綺甲出處未云殊
終與安社稷功成去五湖

盧象贈程秘書一首

客自岐陽來吐音若鳴鳳孤飛畏不偶獨立誰見用
忽從被褐中召入承明宮聖人借顏色言事無不通
殷勤拯黎庶感激論諸公將相猜賈誼留書歸馬融
顧令久寂寞一歲麒麟閣且共歌太平勿嗟名宦薄

李白贈薛校書一首

我有吳越曲無人知此音姑蘇成蔓草麋鹿空悲吟
未誇觀濤作空鬱釣鰲心舉手謝東海虛行歸故林

李白贈何七判官一首

有時忽惆悵匡坐至夜分平明空嘯叱思欲解世紛
心隨長風去吹散萬里雲羞作濟南生九十誦古文
不然拂劍起沙漠収奇勲老死田陌間何因揚清芬
夫子今管樂英才冠三軍終與同出處豈將沮溺羣

李白贈崔郎中宗之一首

胡鷹拂海翼翱翔鳴素秋驚雲辭沙朔飄蕩迷河洲

有如飛蓬人去逐萬里遊登高望流雲髮髯如舊丘
日從海旁沒水向天邊流長嘯倚孤劍目極心悠悠
歲晏歸去來富貴安所求仲尼七十說歷聘莫見収
魯連逃千金珪組豈可酬時哉苟不會草木爲我儔
希君同携手長徃南山幽

祖詠贈苗發員外一首

宿雨朝來歇空山天氣清盤雲隻鶴下隔水一蟬鳴
古道黃花落平蕪赤燒生茂陵雖有病猶得伴君行

李白贈崔侍郎一首

長劍一盃酒男兒方寸心洛陽因劇孟託宿話曾襟

唐詩卷之五
但仰山嶽秀不知江海深
長安復攜手再頌重千金
君乃軒轅佐余叨翰墨
林高風摧秀木驚彈落虛禽
不取回舟興而來命駕尋
扶搖因借便桃李願成陰
笑吐張儀舌愁爲莊舄吟
誰憐明月夜腸斷聽秋砧

李白贈崔諮議一首

綠驥本天馬素非伏櫪駒
長鳴向清風倏忽凌九區
何言西北至却走東南隅
世道有翻覆前期難預圖
希君一剪拂猶可騁中衢

李白贈饒陽張司戶璩一首

朝飲蒼梧泉夕棲碧海煙
寧知鸞鳳意遠託椅桐前

慕蘭豈曩古攀嵇是當年
愧此黃石老安識子房賢
功業嗟落日容華棄徂川
一語已道意三山期著鞭
蹉跎人間世寥落壺中天
獨見遊物祖探元窮化先
何當共携手相與排冥筌

李白贈盧司戶一首

秋色無遠近出門盡寒山
白雲遙相識待我蒼梧間
借問盧耽鶴西飛幾歲還

李白贈裴司馬一首

翡翠黃金縷繡成歌舞衣
若無雲閒月誰可比光輝
秀色一如此多爲衆女譏
君恩移昔愛失寵秋風歸

唐詩卷之五
元卷之五
愁苦不窺隣泣上流黃機天寒素手冷夜長燭復微
十日不滿匹鬢蓬亂若絲猶是可憐人容華世中稀
向君發皓齒顧我莫相違

李白贈華州王司士一首

淮水不絕渡瀾高盛德未泯生英髦知君先負廟堂
器今日還須贈寶刀

李白江上贈竇長史一首

漢求委布魯朱家楚逐伍胥去章華萬里南遷夜即
國二年歸及長風沙聞道青雲貴公子錦帆遊戲西
江水人疑天上坐棲船水淨霞明兩重綺相約相期

何太深棹歌搖艇月中尋不同珠履三千客別欲論
交一片心

賈至贈陝椽梁宏一首

梁子工文四十年詩顛名過草書顛白頭仍作功曹
椽祿薄誰供沽酒錢

李白贈任城盧主簿一首

海鳥知天風竄身魯門東臨觴不能飲矯翼思凌空
鐘鼓不為樂烟霞誰與同歸飛未忍去流淚謝鴛鴻

杜甫奉贈王中允維一首

中允聲名久如今契闊深共傳收庾信不比得陳琳

唐詩卷之五十一
一病緣明主三年獨此心窮愁應有作試誦白頭吟

杜甫奉贈嚴八閣老一首

菴聖登南閣明公獨妙年蛟龍得雲雨鵬鷃在秋天
客禮仍疎放官曹可接聯新詩句句好應任老夫傳

張說贈廣平公宋大一首

亞相本時英歸來復國禎朝推長孺直野慕隱之清
傳節還閩障皇恩入漢京寧思江上老歲晏獨無成

張說贈崔公一首

我聞西漢日四老南山幽長歌紫芝秀高卧白雲浮
朝野光應絕榛蕪年貌秋一朝驅匹馬連轡入龍樓

昔遁高皇去今從太子遊行藏惟聖節福禍在人謀
卒能匡惠帝豈不賴留侯事隨年代遠名與國藉留
平生欽淳德慷慨景前脩蚌蛤伺陰沈蛟龍望斗牛
無嗟異飛伏同氣幸相求

唐詩類苑第五十卷終

唐詩類苑第五十卷終



